

حَنانیا و سَفیرہ

۱ اینفر کی حَنانیا نام داشتی خو زن سَفیرہ مرہ، مِلکیّ بوفروختیدی. ۲ خو زنِ امرأ دس به یکی بوکودہ، ایچہ جہ او پول اوسدہ، الباقیّ بأوردہ فوکودہ رسولانّ پا جیر. ۳ پطرس اون بوگفتہ: «ای حَنانیا، چرہ وَهَشْتی شیطان تر گول بزَنہ کی روح القدس دروغ بیگی و ایچہ جہ او پول فروش باغ تر اوسدی؟ ۴ مگر قبل اونکی اون بوفروشی، او باغ تی شین نوبو؟ بزین کہ اون بوفروختی او پولم تی شین بو. پس چی تر وادار بوکودہ کی آکار بوکونی؟ تو نہ تنہا مردومانّ ورجہ دروغ بوگفتی، بلکی خودایم دروغ بوگفتی!»

۵ وختی حَنانیا آ گبان بيشنوستہ، در جا بکفتہ، بمرده! همهئ اوشانیم کی ایتفاق بيشنوستیدی، خیلی بترسه ییدی. ۶ هو وخت، جوانان جولو بموییدی، اون کفن دوکودیدی، ببردیدی بیرون و دفن کودیدی.

۷ حدود سه ساعت جہ آ ماجرا بوگذشته بو کی اون زناى سفیره آیه بودورون، بی خبر جہ اونچی پیش بَمو بو. ۸ پطرس اون جا وورسه: «مر بوگو، آیا زیمین به هه قیمت بوفروختیدی؟» سفیره جواب بده: «بله، به هه قیمت.» ۹ پطرس اون بوگفته: «چره همدیگر مره دس به یکی بوکودیدی کی روح القدس امتحان بوکونید؟ هسه اوشانی کی تی مرداک دفن کودیدی دژ جولو ایسه ییدی تا تر هم بأید بیرید.» ۱۰ هو لحظه، سفیره بگفته پطرس پا جیر، بمرده. وختی جوانان بَموییدی بودورون، اونم بمرده بو. پس اون اوسدیدی ببردیدی بیرون و اون مرد ورجه دفن کودیدی. ۱۱ تومامی ایمانداران، و مردومانی کی ماجرای بیشنوستیدی وحشت بوکودید.